

宋本資治通鑑考異

古今圖書集成

卷

資治通鑑考異卷第六

端盟學兼翰林學士讀史表奏擢學士高集禧宣桂國內郡開國食邑五百戶食實封壹百戶司馬光奉勅編集

宋紀下

蒼梧王元徽二年五月壬午桂陽王休範反宋書作壬

此月辛未朔無壬子今從宋略

休範登臨滄觀以數十人自衛張勣兒傳云左右數百人皆散走按休範左右

若有數百人黃回勣兒錐勇何敢徑往取之今從休範傳

陳靈寶送休範首弃之於水南齊書云埋首道側宋略云弃諸溝中今從宋書

杜黑驪攻新亭宋書南齊書作黑驪今從宋略

褚澄開東府門納南軍宋書作撫軍典籤茅恬開東府納賊南齊書作車騎典籤茅恬蓋皆

為褚澄諱耳
今從宋略

六月休範使陳公昭遺沈攸之書攸之送之朝廷略

云桂陽遺攸之書署曰沈丞
相攸之斬其使今從宋書

癸卯毛惠連降
宋略作癸亥按下有戊申今從宋書

九月
後魏帝紀使將軍元蘭五將二萬騎及假東陽王丕為
後繼伐蜀漢不言勝負列傳及宋書皆無之今不取

司徒左長史蕭惠明
宋略作惠助按惠助不為司徒長史今從南史

四年六月魏馮太后鵠顯祖
元行沖後魏國典云太后伏壯士於禁中太上入謁

遂崩按事若如此安得不彰而中外恬然不以為怪又孝文終不之知按後魏書及此史皆無殺事而天象志云獻文暴

崩實有鴆毒之禍今從之

順帝昇明元年端午太后賜蒼梧王毛扇
宋略作太妃賜今從宋書

六月蒼梧王殺杜幼文等
南史云孝武二十八子太宗殺其十六餘皆帝殺之按宋

書孝武諸子十人早卒二人為景和所殺餘皆太宗殺之無及蒼梧時者南史誤也

蕭道成族弟順之

齊高帝紀弟思兼梁書武帝紀自相國何至皇考一十餘世皆有名及官位蓋

史官附會今所不取

七月蒼梧王於臺岡賭跳

南史作蠻岡今從宋書

蕭道成開承明門而入

齊高帝紀云衛尉丞顏靈寶窺見太祖乘馬在外竊謂親人曰今若

不開內領軍入天下會是亂耳按靈寶若語所親則須有知者豈得宿衛晏然不動今從宋後廢帝紀

十月氏楊文度遣弟文弘陷仇池

魏書本紀作楊暉氏傳作暉皆避顯祖諱也

李訢信用范攄弟瑛諫

魏典攄作瑛今從後魏書

十二月魏軍至建安楊文弘弃城走

是年魏置閭在十一月宋之十二月也

劉韞入直門下省

南齊書韞作韞今從宋書南史

王蘊帥部曲數百向石頭

宋書云齊王使蘊募人已得數百宋略云是夕徇其私衆

倏忽之間被甲數百莫知所從出按道成素已疑縕必不使之募兵宋略近是也

戴僧靜殺表粲父子

南史云僧靜奮刀直前欲斬之子

墮涕粲曰我不失忠臣汝不失孝子仍求筆作啓云臣義庶大宋策名兩畢今便歸竟墳隴求就山丘僧靜乃并斬之按時僧靜掩粲不備挺身直往安肯容粲作啓從容如此宋書皆無此等事今不取

閏月癸巳沈攸之至夏口

沈約齊紀十一月攸之遂謀

冬攸之呼使人於密室謂之曰奉皇太后令得表司徒劉丹

二而封雞毛桃耳數物置函中勸兒賀冬使臣乘驛白公十

二日壬辰攸之遣孫同等先發十七日丁酉張勳兒使至十

八日戊戌公率衆入鎮朝堂閏月十四日癸巳攸之至夏口

按是歲宋曆閏十二月庚辰朔魏曆閏十一月庚戌朔然則

冬至必在十一月晦攸之對敬兒賀冬使者猶隱秘豈可十

二日口發兵東下乎又攸之若十二日已舉兵於江陵豈可

六十餘日始至夏口又宋順帝紀十二月攸之反丁卯齊王

入守朝堂丁卯乃十二月十八日也閏月癸巳攸之圍郢城

攸之傳十一月反十二月十二日遣孫同等東下閏月十四

日至夏口宋略十二月沈攸之作亂丁卯蕭道成入屯朝堂

閏月癸巳收之師及郢州南齊高帝紀十二月攸之舉兵乙卯太祖入居朝堂諸書大抵略相符合惟齊紀不同蓋齊紀之誤今不取

二年正月沈攸之帥眾過江軍遂大散宋略云甲辰攸之眾潰西逃乙巳華容民斬其首按是月己酉朔無甲辰乙巳

張敬兒至江陵宋略云辛未敬兒克江陵按己巳攸之以敬兒據城走死不容敬兒至辛未乃入城也

齊紀上

太祖建元元年五月賞佐命之功褚淵王儉等進爵

增戶南史崔祖思傳曰帝將加九錫內外皆贊成之祖思獨曰公以仁恕匡社稷執服肱之義君子愛人以德不宜

如此帝聞而封之曰祖思遠同苟令豈孤所望也由此不復處任職而禮見其重垣崇祖受密旨參訪朝臣光祿太天與
闕曰身受宋氏厚恩復蒙明公眷接進不致同退不敢異冠
軍將軍崔文仲與崇祖意同及帝受禪閣存故爵文仲崇祖
皆封侯祖思加官而已按宋初議封帝為梁公祖思啓高
帝曰識云金刀利刃齊刈之今宜稱齊實應天命從之然則

祖思安得誠節
於宋今刪之

丙寅追尊考妣南史在四月甲午今從齊書

十月初帝在淮陰欲附魏遣書結王玄邈房叔安勸

玄邈不答南史云仍遣叔安奉表詣關告之帝於路執之并求玄邈表叔安曰王將軍表上天子不上將

軍且僕之所言利國家不利將軍無所應問荀伯玉勸帝殺之帝曰物各為主無所責也按太祖時為邊將若執叔安又不殺便應不復為宋臣

齊書無此事今不取

十一月謝天蓋欲附魏章珍引兵應接豫章王疑遣

蕭惠朗助蕭景先討天蓋齊蕭景先傳云天蓋與虜相構蕭景先言於督府豫章王

遣惠朗助景先討天蓋黨與虜尋遣偽南部尚書類跋也汝南洛州刺史昌黎王馮弘清立景先嚴備待敵虜退魏章

珍傳云天蓋自署司州刺史規以內附事世為道成將崔慧景所攻圍詔珍率在鎮士馬渡淮援按時道成聞珍將至遣

將荀元賓據淮逆拒珍珍腹背奮擊破之天蓋尋為左右所殺降於慧景珍乘勝馳進又破慧景擁降民七千餘戶內徙

表置城陽剛陵義陽三郡以處之按魏將無類跋焉莎而慧
景亦非計大蓋之將蓋時二國之史各出傳聞互有訛謬今
約取二史大
繫而用之

帝遣王洪範約柔然寇魏齊書作王洪
執今從齊紀

二年正月以褚淵為司徒不受齊書建元二年正月以
淵為司徒十二年正月以

以淵為司徒四年六月癸卯以司徒褚淵為司空八月癸卯
司徒褚淵薨淵傳三年為司徒又固讓四年寢疾遜位改授
司空及薨詔曰司徒奄至薨逝蓋二年正月
月辭十一月受耳紀傳前後各不相顧

崔孝伯攻魏龍得侯等殺之齊紀作龍渴
侯今從齊書

北上黃蠻文勉德寇汶陽齊紀作文施
德今從齊書

五月王圖南崔慧景破李烏奴魏書帝紀入月慧景
寇武興今從慧景傳

十月徐州民栢標之為寇魏書蘭陵民栢富蓋
即標之也今從齊書

三年二月栢康拔魏樊諸城齊紀作樊階
城今從齊書

魏議者欲盡殺道人

齊書魏虜傳咸陽王欲盡殺道人案咸陽王禧時尚幼太和九年始

封也

己酉垣崇祖破魏師

齊書作丁卯按是月辛卯朔無丁卯今從齊紀

三月魏滅柏標之等掠二萬餘口歸平城

魏書云南征諸將擊

破蕭道成游擊將軍柏康於淮陽道成豫州刺史垣崇祖寇下蔡昌黎王馮熙擊破之假梁郡王嘉大破道成將俘獲三

萬餘口送平城今從齊書齊紀亦以魏書參之

世祖永明二年十一月乙未魏李彪來聘

齊紀十二月庚申虜

使李道固至今從魏帝紀

三年七月魏立梁彌承為宕昌王

齊書是歲八月丁巳以行宕昌王梁

彌承為河梁二州刺史六年五月甲午以彌承為河涼二州刺史今從魏書

四年六月辛酉魏主如方山

魏帝紀是日幸方山七月戊戌又云幸方山皆不言還宮

蓋開文耳

五年五月魏公孫邃張儵寇舞陰

齊書魏虜傳云偽安南將軍邃東公

平南將軍上谷公又攻舞陰魏書帝紀云詔南郡尚書公孫文慶上谷公張伏干南討舞陰按公孫邃傳邃字文慶與內都幢將上谷公張儵討蕭嘖舞陰成蓋伏干亦儵字也

七月高車阿伏至羅自立為王

魏書高車傳云在大和十一年蠕蠕在十六年

今從高車傳

八年四月魏陽平王頤

帝紀作熙又作嘖今從本傳

八月河南王世子伏連籌

齊書伏世子休留成今從魏書

蕭順之縊殺巴東王子響

齊書曰子響部下恐懼各逃散子響乃白服出降詔賜死

蓋蕭子顯為順之諱耳今從南史

十二月孔顗上言

齊紀作孔顗今從齊書南史

九年二月魏著作郎成淹遷侍郎

楊松玠談藝作朱淹又云自著作作

郎遷著作郎今從魏書

八月乙巳魏帝問羣臣禘祫之義

禮志作太和十三年五月壬戌今從本紀

十年正月壬戌魏主詔承晉為水德

禮志太和十五年正月穆亮等

言云云按帝紀十六年正月壬戌詔定行次以水承金蓋士誤以六為五耳

七月吐谷渾世子賀虜頭

魏吐谷渾傳作賀魯頭今從帝紀

八月魏陽平王暉陸叡擊柔然

魏帝紀太和十一年八月壬申蠕蠕犯塞遣平

原王陸叡討之事具蠕蠕傳十六年八月乙未詔陽平王暉左僕射陸叡討蠕蠕按蠕蠕傳無十一年犯塞及征討事唯

有十六年八月叡出征事與紀合蓋十一年紀誤也

十一年二月遣呂文顯曹道剛收王奐殷叡勸奐錄

取奐納之

南史奐子彪議開門拒命叡諫曰今開門自服接臺使不過隨官免爵耳彪堅執不同叡又請

遣典籤間道送啓典從之典籤出城爲文顯所執獻曰忠不背國勇不逃死勸典仰藥獻與彪同誅今從齊書

王肅奔魏

南史典弟份自拘請罪帝宥之肅屢引魏人至邊帝謂份曰比有此信不份曰肅近忘墳柏寧

遠憶有臣按典以三月死帝以七月死是冬肅始見魏主於鄴南史誤也齊書無此語

九月魏穆亮與支酉戰兵敗

齊書穆亮作繆老生今從魏書

高宗建武元年三月壬申魏主至彭城

魏帝紀作閏月按魏閏二月

月齊曆之三月也

四月庚辰魏罷西郊祭天

魏帝紀禮志比史紀皆云三月庚辰按長曆三月丙午朔無庚

辰魏閏二月齊門四月魏三月乙亥朔齊曆之四月也故置於此

五月甲戌朔日食

齊魏書帝紀皆無此食今據齊書志南史紀

九月乙亥纂嚴

齊帝紀作乙未按是月壬申朔而上有癸未下有乙酉丁亥蓋癸未當作癸酉乙未

當作乙亥耳

何昌寓拒徐玄慶臨海王昭秀得還建康

南史明帝使裴叔業

齊旨詔昌寓令以便宜從事昌寓拒之曰臨海王未有失寧得從君單詔邪即時自有啓聞須反更議叔業曰若爾便是拒詔拒詔軍法行事耳答曰能見殺者君也能拒詔者僕也叔業不敢逼而退昭秀由此得還都今從齊書

十二月魏盧淵章珍攻赭陽

齊書作盧陽馬章靈智按陽為淵小字靈智珍字也

二年四月房伯玉等敗魏薛真度於沙場

齊書魏虜傳真度敗

在建武元年下魏帝紀城陽王鸞以敗軍獲罪在太和十九年五月今從之

三年正月丁卯以楊崇祖為沙州刺史

齊本紀作丁酉按長曆是

月乙丑朔無丁酉下有己巳當作丁卯

魏主改功臣姓

魏初功臣姓皆複重奇僻孝文太和中變胡俗始改之魏收作魏書已盡用新姓不

用舊姓宋書索虜傳南齊書魏虜傳所無者蓋其舊姓名耳今並從魏書以就簡易

魏薛宗起入郡姓

北史薛聰傳為羽林監帝曾與朝臣論海內姓地人物戲謂聰曰人謂卿諸薛

是蜀人定是蜀人不聰對曰臣遠祖廣德世事漢朝時人呼為漢臣九世祖永隨劉備入蜀時人呼為蜀臣今事陛下是虜非蜀也帝撫掌笑曰卿可自明非蜀何乃遂復苦朕聰因投戟而出帝曰薛監醉耳其是知如此今從元行沖後魏國典

閏月丙寅魏主發太子恂齊書魏書傳云大馮有寵日在十二月丙寅按長曆魏閏十月齊閏十二月今從齊曆

四年正月大赦齊書紀云庚午大赦按長曆是月己丑朔無庚午故不日

丙辰誅王晏晏傳云元會畢乃召晏誅之本紀丙辰晏伏誅丙辰正月二十八日也按郊禮必在正月

既云未郊一日赦傳則誅晏必非元會之日也本傳蓋言元會禮後耳

二月魏穆泰等伏誅齊書魏書傳云為征北將軍恒州刺史鉅鹿孤賀慶渾守桑乾宏從

叔平陽王安壽成懷撫在桑乾西北渾非宏任用中國人與偽定州刺史馮翊公自鄰安樂公主拓跋阿幹兒謀立安壽

分據河北期久不遂安壽懼告宏殺渾等數百人任安壽如故與魏書名姓全不同今從魏書

九月魏中書舍人孫延景齊書作公孫雲公從魏書

十一月以楊靈珍為北秦州刺史齊氏傳作比梁州今從帝紀

十二月曹虎領軍樊城齊魏勇傳云均口今從虎傳

東昏侯永元元年二月張千戰死魏書作張千達今從齊書

以陳顯達為江州刺史齊明帝紀永泰元年七月癸卯以顯達為江州本傳顯達敗於

馬圈求降號不許乃除江州又云東昏立顯達彌不樂京師得此授甚喜按明帝末顯達方以三公將兵擊魏不容無故

除江州今從本傳

四月魏賜馮后死元嵩傳曰將遣使者賜馮后死而難其

不負任城可使嵩也乃引高平突嵩入內親詔遣之高祖紀曰詞司徒賜徵太子與喪會魯陽踐作按馮后傳梓宮至魯

陽乃行遺詔賜后死安有高祖遣嵩之事又顯傳高祖崩賜過祔喪事遣張儁徵世宗亦無高祖詔賜儁太子事

八月垣歷生降曹虎虎斬之南史云歷生出戰為曹虎所禽謂虎曰卿以主上為

聖明梅如為賢相我當死且我今死卿明亦死遂殺之按歷生若見獲遙光不當殺其子今從齊書

二年三月左興盛拒崔慧景於北籬門

紀云王瑩屯此籬門傳云

左興盛
今從傳

四月癸酉慧景敗走斬之

齊本紀四月丁未以張冲為南兖州刺史崔慧景於廣陵

起兵襲京師壬子左興盛督眾軍寶玄以京城納慧景乙卯
王瑩屯北籬門壬戌慧景至瑩等敗甲子慧景入京師蕭懿
入援突西慧景奔眾走死慧景傳四月至廣陵回軍十二日
攻陷竹里按長曆是歲三月辛丑朔四月庚午朔丁未三月
十七日壬子十二日乙卯十五日壬戌二十二日甲子二十四
日四月皆無也蓋四月當作三月至癸酉乃四月四日耳南
史云時江夏王寶玄鎮京口聞慧景北行遣左右余文興說
之曰江劉徐沈君之所見今擁強兵此取廣陵收吳楚勁卒
身舉州以相應取大功如反掌耳慧景常不自安聞言響應
于時廬陵王長史蕭寅司馬崔恭祖守廣陵城慧景以寶玄
事告恭祖恭祖口雖相和心實不同俄而慧景至恭祖閉門
不敢出慧景密遣軍王劉靈運間行突入慧景俄係至遂據
其城子覺至仍使領兵襲京口寶玄本謂大軍併來及見人
少極失所望拒擊走之恭祖及覺精兵八千濟江恭祖心
本不同及至蒜山欲斬覺以軍降京口事既不果而止覺等
軍器精嚴柳澄沈休等謂寶玄曰崔護軍威名既重乃誠可